



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

১১ আগস্ট ২০০৫

কলকাতার নতুন মার্কিন কনসাল জেনারেল হেনরি জার্ডিন

কলকাতা -- হেনরি ডি জার্ডিন পূর্ব ভারতের নতুন মার্কিন কনসাল জেনারেল হিসাবে ১০ আগস্ট, বুধবার কলকাতায় দায়িত্বার গ্রহণ করেছেন। এর আগে তিনি তাইল্যান্ডের চিয়াং মাই-এর মার্কিন দূতাবাসে ম্যানেজমেন্ট অফিসার পদে কর্মরত ছিলেন। তিনি জর্জ এন সিবলির স্থলাভিষিক্ত হলেন। কলকাতায় তিনি বছরের কার্যকালের মেয়াদ শেষে সিবলি মাদাগাস্কারে নতুন পদে যোগ দেবেন।

ঢাকায় নিযুক্ত থাকাকালীন জার্ডিন ঘনঘন কলকাতায় এসেছেন। তাই ১০ তারিখে আবার এই 'মহানগরে' ফিরে আসতে পেরে তাঁর পরিবার রীতিমত উৎসাহিত। জার্ডিন বলেন, "এখানে এবং ভারত-মার্কিন সম্পর্কে এত সব পরিবর্তন ঘটতে দেখে আমি রোমাঞ্চিত। ভারতে আসার পক্ষে এ এক চমৎকার সময়।"

জার্ডিন মার্কিন ফরেন সার্ভিসে যোগ দেন ১৯৯৫ সালে। বাংলাদেশে ঢাকা এবং বারবাড়োজের ব্রিজটাউনে তিনি এর আগে পলিটিকাল অফিসার হিসাবে কাজ করেছেন। কুটনীতির পেশায় আসার আগে জার্ডিন ছিলেন মার্কিন সেনাবাহিনীতে ইনফ্যান্ট্রি ক্যাপ্টেন। সেনাবাহিনীতে থাকাকালীন তিনি ১০১ তম এয়ারবোর্ন ডিভিশনে হেডকোয়ার্টার্স কোম্পানি এক্সিকিউটিভ অফিসার এবং জার্মানির মেইনজে অষ্টম ইনফ্যান্ট্রি ডিভিশনে মেকানাইজড পম্পটুন লিডার হিসাবেও দায়িত্ব পালন করেছেন।

জর্জটাউন ইউনিভার্সিটির এডমান্ড এ ওয়ালশ স্কুল অব ফরেন সার্ভিস থেকে জার্ডিন ফরেন সার্ভিসে বিএস ডিগ্রি লাভ করেন। তাঁর সঙ্গে রয়েছেন তাঁর স্ত্রী ক্যাথলিন ডি জার্ডিন ও পুত্র টমাস।
